

中國文學精華

注音

舒鐵雲 王仲瞿 詩

蔣劍人選本

民國廿五年八月發行
民國三十年一月三版



有不准作權
印翻

類別	乙類
編號	1
冊數	2
售價	

發行行

注者 行者 刷者

明埠

中國文學精華
音注 舒鐵雲 王仲瞿詩 (全一冊)



實價 國幣 六角

(郵運匯費另加)

中華書局

中華書局有限公司
代表人 路錫三

上海澳門路
美商永寧有限公司

中華書局發行所

中華書局

(一〇六一四)

注音

舒鐵雲詩

揭要

乾嘉詩人，舒黃並稱。黃詩多商音，舒則溫柔敦厚得詩教。遺天分既高，學力又足以濟之，故其俊拔如青蓮，粹雅如子美，融二人爲一家，以視清初諸名人，有過之無不及。後學宜鑄金事之。

小傳

先生名位，字立人，號鐵雲，小字犀禪，直隸大興人。乾隆舉人，工詩，沈博恣肆，橫絕一世。嘗從勒保征猓苗，深爲所重，數召至軍中與計事。勒保移督四川，邀與俱，以母老辭。母喪哀毀卒。有瓶水齋集。

注音
舒鐵雲詩

目次

威遇	一
過黃天蕩演韓蘄王與金戰事	三
讀論語詩六十首	五
兩行郊城道中晚抵李家莊作此解嘲	八
戴錫貞石寄書以至蘇州不得見王仲瞿爲恨 作此答之并示仲瞿	九
過郡陽湖	一〇
憎蚊	一一
澤鄉道上作	一二
梅花嶺弔史閣部	一二
額橋	一五

石簪村	一六
草短短	一六
王鐵餅索題桐陰課兒第一圖	一七
拂水山莊作	一八
讀孟郊集	二一
鎮遠鰲中山寺書僧房壁	二一
裴晉公墓	二一
送雋卿還吳	二三
觀演長生殿樂府	二四
銅柱	二七
漂母祠	二九

紅梅花詩·····	三〇	聞李松雲太守自徐州調任延平計日當過	
向讀文選詩愛此數家不知其人可乎因論		吳會因寄·····	四八
其世凡作者十人詩九首·····	三〇	皋亭山·····	五〇
隨園作·····	三四	讀長恨傳三首用李義山碧城詩韻·····	五一
得仲瞿山中詩卻寄·····	三六	自鄉思橋移家南華橋·····	五三
典裘詩·····	三七	定州·····	五五
楊花·····	三九	胥門懷古·····	五六
呂翁祠·····	三九	琅邪書院與唐六稚川夜話·····	五七
臥龍岡作·····	四一	出南西門慰廣恩寺遂至豐臺卽事·····	五九
平原顏魯公祠·····	四三	病中從蕙翁先生乞僕稍愈遣還因有是作五九	
渡河謁碧霞元君廟·····	四四	戲東桐門·····	六一
一聲·····	四五	寄懷子瀟·····	六二
雨後曉起寄杉石·····	四六	自龍游渡江輒爲小詩書於船窗·····	六五
徐孺子墓·····	四七	雨過湘潭縣·····	六七

花生日詩魏塘道中作·····	六七
六月二十四日荷花蕩泛舟作·····	六八
月夜出西太湖作·····	六九
仲瞿屬其內史雲門氏寫留待山居圖圖成	
索余爲記先題四絕句·····	七〇
舟過山塘聞笛·····	七一
除夕泊衢州城外·····	七一
西邨·····	七一
渡江望金山寺有作·····	七二
寄懷女牀山人·····	七二
震澤邱後同秀才 孫梧 寓書問訊並見示易	
安齋詩集卻寄十四韻·····	七四

注音

舒鐵雲詩

蔣劍人先生選本

五古

感遇

四首錄三

卞和三獻玉，蘇季十上書。所持寧不貴，汲汲非其時。厚顏泣金盡，別足歎路歧。書玉既已往，秦楚安可知？所以南陽耕，潛伏神龍姿。悠悠梁甫吟，三顧乃出師。

【卞和】（韓非子）楚人卞和，得璞玉於楚山，獻厲王，使玉人相之，曰：『石也。』王以爲誑，而刖其右足。武王卽位，又獻之，復相，曰：『石也。』又刖其左足。文王卽位，和抱璞玉哭於楚山之下，三日三夜，泣盡繼之以血。王使玉人治其璞而得寶焉，遂命曰和氏之璧。【蘇季】

（國策）蘇秦說秦王，書十上而說不行，黑貂之裘敝，黃金百斤盡，資用乏絕，去秦而歸，形容枯槁，面目黧黑，狀有愧色。【汲汲】欲速

之意。（漢書）不汲汲於富貴，不戚戚於貧賤。【南陽耕】（諸葛亮出師表）臣本布衣，躬耕於南陽（三國志注）漢晉春秋曰：『亮家

於南陽之鄧縣，在襄陽城西二十里，號曰隆中。【神龍姿】（蜀志諸葛亮傳）徐庶謂先主曰：『諸葛孔明者，臥龍也。』【悠悠】

遠也。【梁甫吟】梁甫，山名，在泰山下。（諸葛亮傳）亮躬耕隴畝，好爲梁父吟。【三顧出師】（諸葛亮出師表）先帝不以臣卑

鄙，猥自枉屈，三顧臣於草廬之中，諮臣以當世之事，由是感激，遂許先帝以馳驅。

終南有捷徑，猿鶴怨未休。切衣交堂覆杯水，蛟龍弗來遊。況此致身早，乃啓失足羞。冰山倏朝旭，得喪去聲兩不酬。昔日東閣客，今日南冠囚。不見八司馬，直至蠻荒州。

【終南】即南山，在陝西長安縣南。（唐書盧藏用傳）司馬承禎嘗召至闕下，將還山，藏用指終南山曰：『此中大有佳處。』（承禎徐曰：『以僕觀之，仕宦之捷徑耳。』）【猿鶴】孔稚圭北山移文：『蕙帳空兮夜鶴怨，山人去兮曉猿驚。』【坳堂】坳，地窪下不平也。（莊

子逍遙遊）覆杯水於坳堂之上，則芥爲之舟。【致身】（論語）事君能致其身。【冰山】（通鑑）或勸張彥誼楊國忠，彥誼曰：『君輩

依楊右相若泰山，吾以爲冰山，若皎日既出，君輩得無失所恃乎？【東閣客】（漢書公孫弘傳）於是啓客館，開東閣，以延賢人，

【南冠囚】（左傳成九年）晉侯觀於軍府，見鍾儀而問之，曰：『南冠而縶者，誰也？』有司對曰：『鄭人所獻楚囚也。』【八司馬】

唐順宗爲太子時，與翰林待詔王伾、王叔文善。及即位，叔文專國政，劉禹錫、程異、陳諫、柳宗元、韓泰、韓曄、凌準、韋執誼八人皆附佐叔文，

以求速進。叔文敗，皆貶爲遠州司馬。

象齒旣自焚，豬肝亦多累。始爲蒼蠅笑，旋下黃犬淚。人生天地閒，飄音漂若騁雲轡。水流不重波，花好無再墜。慎始名可成，知足願易遂。斯言書諸紳，庶以勗同類。

【象齒】（左傳襄二十四年）象有齒以焚其身，賄也。

【豬肝】後漢太原閔仲叔，客居安邑，老病家貧，不能得肉，日買豬肝一片，屠

者或不肯與，安邑令聞，敕吏常給焉。仲叔怪而問之，乃歎曰：「閔仲叔豈以口腹累安邑耶？」遂去，客沛以終。見（世說補）。【蒼蠅笑】

（唐書武儒衡傳）元稹倚內官得知制誥，儒衡厭鄙之，會食瓜，蠅集其上，儒衡揮以扇曰：「適從何來？遽集於此？」一座皆失色。【黃犬

淚】（史記李斯傳）斯與其中子俱執，顧謂曰：「吾與若欲復牽黃犬出上蔡東門，逐狡兔，豈可得乎？」遂父子相哭，而夷三族。【翺

飛貌。【雲轡】（晉書李嵩傳）控雲轡而高驅。【知足】（老子）知足不辱。【書諸紳】紳，大帶之垂者。（論語）子張書諸紳，

過黃天蕩演韓蘄王與金戰事

黃天蕩，在江蘇江寧縣東北，大江至此淺深廣，橫闊三十里。宋建炎

四年，韓世忠與金兀朮相持於此。世忠孝宗時追封蘄王。

青龍鎮上來，老鶴

音貫

河邊濟。焦山寺下船，金山廟中騎。伏發洵人謀，跳免殆

天意。助之將軍妻，擄其大王壻。故道鑿雖通，新城擊更利。淮西趨未能，江北援不濟。相持黃天蕩，此一大關係。可以收四京，可以歸二帝。上將俄成功，下士忽獻計。四十八日中，一敗竟塗地。風雲銷壯懷，玉帛競和議。使馬猶長流，騎驢乃短氣。

【青龍鎮】

在江蘇青浦縣東北，近青龍江。吳孫權造青龍戰艦於此，因名。（宋史韓世忠傳）世忠以前軍駐青龍鎮，中軍駐江灣，後

軍駐海口，俟敵歸遂擊之。

【老鶴河】

亦名老鶴嘴，今名新河，在江寧縣西南。（續通鑑）元朮循南岸，世忠循北岸，且戰且行，世忠擊

續大艦，出金師前後數里，擊柝之聲達旦。將至黃天蕩，元朮窘甚。或曰：『老鸛河故道，今雖湮塞，若鑿之，可通秦淮。』元朮從之，一夕果成，凡三十里，遂趨建康。

【焦山】在江蘇鎮江縣東大江中，與金山對峙。韓世忠傳：會上元節，就秀州張燈高會，忽引兵趨鎮江。及金兵至，則世忠軍已先屯焦山寺，金將李選降，受之。

【金山】在鎮江縣西北。續通鑑：元朮欲濟江，乃遣使通問，且約戰期。世忠許之，因謂諸將曰：『是閒形勢，無如金山龍王廟者，敵必登之，以覘我虛實。乃遣蘇德將百人伏廟中，百人伏廟下岸側，戒之曰：『聞江中鼓聲，則岸兵先入，廟兵繼出，以合擊之。』及敵至，果有五騎趨廟，廟兵先鼓而出，獲兩騎，其三騎則振策以馳。馳者一人紅袍玉帶，既墜，復跳而免。諸將獲者，則元朮也。』

【將軍妻】續通鑑：既而接戰江中，凡數十合，世忠妻梁氏親執桴鼓，敵終不得濟。按梁名紅玉，本京口倡也。【大王壻】續通鑑：俘獲其衆，虜元朮之壻龍虎大王。

【故道】謂老鸛河故道也。

【新城】亦曰北城，在江蘇句容

縣北。續通鑑：元朮趨建康，岳飛以騎三百，步兵三千，遂擊於新城，大破之。

【淮西二句】續通鑑：元朮乃復自龍灣出江中，趨

淮西，會撻懶自灘州遣字輩太一引兵來援，元朮乃復引還，欲北渡。世忠與之相持於黃天蕩，太一軍江北，元朮軍江南，世忠以海艦進泊金山下，預以鐵綆貫大鉤授撻懶者，明且，敵舟謀而前，世忠分海舟爲兩道出其背，每組一綆，則曳一舟沉之。

【四京】宋以開封

府爲東京，河南府爲西京，應天府爲南京，大名府爲北京。

【二帝】徽宗，欽宗。

【下士句】續通鑑：元朮乃募人獻破海

舟之策，於是閩人王姓者，教其舟中載土，以平版鋪之。穴船版以櫓槳，俟風息則出，海舟無風不可動也。且以火箭射其箬篷，則不攻自破矣。元朮然之，及天霽風止，元朮以小舟出江，世忠絕流擊之，海舟無風不能動，元朮令善射者乘輕舟以火箭射之，烟燄蔽天，師遂大潰，焚溺死者不可勝數，世忠僅以身免，奔還鎮江。元朮遂濟江，屯於六合縣。

【四十八日】續通鑑：世忠以八千人拒元朮十萬

之衆，凡四十八日而敗，然金人自是不敢渡江矣。

【一敗塗地】史記：今置將不善，則一敗塗地。

【使馬】韓世忠傳：元朮

謂諸將曰：『南軍使船欲如使馬，奈何？』【騎驢】（韓世忠傳）上表乞骸，罷爲醴泉觀使，奉朝請，進封福國公，節鉞如故。自此杜門謝客，絕口不言兵，時跨驢携酒，從一小奚童，從游西湖以自樂。平時將佐，罕得見其面。

讀論語詩六十首 錄二

辛酉六月，京師大雨水，僕所居書舍，牆圯，棟折其半，瓦盡解，僅以身免。室中有書數百卷，皆墮入泥淖矣。明日徙居他室，而雨浹旬不止，門外水沒踝，巷無車轍，戚友不復相往來，坐臥斗室，意思無俚。隔舍有童子誦論語，每夕聲琅琅然，媿不讀是書幾三十年，輒爲詩若干首。歲暮檢篋中稿，錄附今年詩後。仰屋之勤，見獵之喜，不忍棄置，蓋實自水光三昧中來也。臘月一日天津旅次書。

辛酉，清高宗乾隆六年也。泥淖，梵語，其義爲無有，爲十界中最劣境界。此借作泥塗用。浹旬，周十日也。踝，戶瓦切。足兩旁骨之隆起者。（宋史）富弼手疏稱老臣無所告訴，但仰屋竊歎者，即當至矣。（近思錄）明道先生年十六七時，好田獵，十二年暮歸，在田野間見田獵者，不覺有喜心。三昧，亦梵語，其義爲正定。通常稱奧妙之處，亦曰三昧。天津，清爲府治，今縣屬河北省。

管子天下才，春秋無與比。惜遇齊桓公，不過中主耳。赫赫開霸圖，厥功偉且

駛。若欲王聲去齊國，將奪周天子，賴其戴虛文，遷延八百祀，所以拜胙音生，終勝請

隧音死。此豈桓能爲？必是仲所使。大醇而小疵，器小不知禮。孟子論過高，五尺

稱羞恥。豈知微管歎，孔門有深旨。魏徵田舍翁，迹類管仲是。乃百齊桓公，敵一唐

太宗。

【管子】（史記管晏列傳）管仲夷吾者，潁上人也。少時常與鮑叔牙游。鮑叔事齊公子小白，管仲事公子糾，及小白立爲桓公，公子糾

死，管仲囚焉，鮑叔遂進管仲。管仲既用，任政於齊，齊桓公以霸，九合諸侯，一匡天下，管仲之力也。【赫赫】顯盛貌。【駛】疾行曰駛。

【王】以德服人者王，見（孟子）。【祀】年也。【拜胙】（左傳僖九年）王使宰孔賜齊侯胙，曰：「天子有事於文武，使孔賜伯舅胙。」

齊侯將下拜，孔曰：「且有後命。」天子使孔曰：以伯舅耄老，加勞，賜一級，無下拜，對曰：「天威不遠顔咫尺，小白余敢貪天子之命，無下拜，

恐隕越於下，以遺天子羞，敢不下拜！」下拜登受。【請隧】（左傳僖二十五年）管侯朝王，王饗醴命之宥，請隧，弗許，曰：「王章也，未

有代德而有二王，亦叔父之所惡也。」按隧，地道也，天子薨，輅由地道以達於墓。【器小不知禮】（論語）子曰：「管仲之器小哉！」

或曰：「管仲知禮乎？」曰：「邦君樹塞門，管氏亦樹塞門，邦君爲兩君之好，有反坫，管氏亦有反坫，管氏而知禮，孰不知禮？」【孟子句】

（孟子）仲尼之徒，無道桓文之事者。【五尺句】（漢書董仲舒傳）是以仲尼之門，五尺之童，羞稱五伯。【微管歎】（論語）子曰：

「管仲相桓公，霸諸侯，一匡天下，民到於今受其賜。微管仲，吾其被髮左衽矣。」【魏徵】（唐書魏徵傳）字玄成，曲城人。隱太子引爲

洗馬。徵見秦王功高，陰勸太子早爲計。太子敗，王責謂曰：「爾聞吾兄弟奈何？」答曰：「太子蚤從徵言，不死今日之禍。」王器其直，無恨意。

卽位，拜諫議大夫，封鉅鹿縣男。每犯顏進諫，雖逢帝甚怒，神色不從。（通鑑）上嘗罷朝，怒曰：「會須殺此田舍翁。」后問爲誰，上曰：「魏徵每庭辱我。」后退具朝服，曰：「妾聞主明臣直，今魏徵直，由陛下之明故也。妾敢不賀。」上悅。
【唐太宗】名世民，高祖次子，初封秦王，在位二十三年。

書社封孔子，有人沮_咀之竟。不應君子交，作此小人行。乃悟齊景公委靡由

天性，偶動浮慕耳，未必心尊聖。試觀避席前，不過待季孟。若竟舉國從，何以處崔慶？君臣父子閒，難與共爲政。凶終有遠慮，慎始無後病。嬰也再躊躇，諫諍本擅勝。陰實全所交，陽乃奪其炳。果然齊景公，傾耳能相聽。有粟不得食，接淅_錫看破甑。想當臨別時，定有數語贈。平生知己言，太息久而敬。口稱平仲諡，蓋棺以論定。

【書社二句】書社疑尼谿之誤。（史記孔子世家）景公欲以尼谿田封孔子，晏嬰進曰：「夫儒者滑稽而不可軌法，倨傲自順，不可以爲下；崇喪遂哀，破產厚葬，不可以爲俗；游說乞貨，不可以爲國。自大賢之息，周室既衰，禮樂缺有閒。今孔子盛容飾，繁登降之禮，趨拜之節，累世不能殫其學，當年不能究其禮，君欲用之以修齊俗，非所以先細民也。」
【齊景公】名杵臼。
【委靡】不振作貌。
【避

席】古者席地而坐，避席，猶離坐也。
【待季孟】孔子世家：異日，景公止孔子曰：「奉子以季氏，吾不能，以季孟之閒待之。」（集解）

孔安國曰：魯三卿，季氏爲正卿，最貴。孟氏爲下卿，不用事。言待之以二者之閒也。
【崔慶】（史記齊太公世家）景公立，以崔杼爲

右相，慶封爲左相。
【凶終】（漢書王吉傳）世稱管鮑，次則王賁，張陳凶終，蕭朱隙末，故知全之者鮮矣。
【嬰】（史記管晏列傳）

平晏仲嬰者，萊之夷維人也。事齊靈公莊公景公，以節儉力行重於齊。

【躊躇】猶豫也。

【諫諍】（家語）忠臣有五義焉，一曰諫。

陳按謂詭譎其詞，不直言也。

【有粟句】

（論語）齊景公問政於孔子，孔子對曰：君君，臣臣，父父，子子。公曰：信如君不君，臣不臣，父

不父，子不子，雖有粟，吾得而食諸。

【接淅】（孟子）孔子之去齊，接淅而行。

【久而敬】（論語）子曰：晏平仲善與人交，久而

敬之。

雨行郊城道中晚抵李家莊作此解嘲

三首

鄉音談，鄉城縣名，在山東，清屬山東沂州

府。

避雨趨山行，入山卽逢雨。始知天公心，趨避兩不許。此意殊微茫，難與僕夫語。僕夫方怨咨，遷怒及馬股。十步九不前，一步一錘楚。錘楚亦何爲？久矣辱泥土。馬心願請行，馬足實不舉。爾其聽馬鳴，爾馬比爾苦！

【天公】猶言天帝。（庾信詩）憤憤天公曉。

【辱泥土】（左傳襄三十年）使吾子辱在泥塗久矣。

雙輪生四角，泥黃沒草綠。九折驚客心，一跌失馬足。掀軒而出於淖，客與

馬俱浴。雖復困泥塗，亦頗滌塵俗。御者嘖

切核

有言，今夜何處宿？淒如喪家狗，急

若走險鹿。鞭長風壁

補厄

絲，蓑重雨瀉瀑。瞻衡欣載奔，飽吃小米粥。

【四角】（陸游詩）避俗要生輪四角，出門何甯路三叉。

【九折句】（漢書王尊傳）王陽爲益州刺史，行部至郫九折阪，歎曰：

奉先人遺體，奈何數乘此險？後以病去。案郫，郫山，在四川榮經縣西，亦作郫。

【淖】濕泥也。

【喪家狗】（史記孔子世家）曩曩

若喪家之狗。

【走險鹿】（左傳文十七年）古人有言曰：鹿死不擇音，鉅而走險，急何能擇？

【擘】分開也。

【瞻衡】（陶潛歸

去來辭）乃瞻衡宇，載欣載奔。

逆旅有主人，問客來何晚？爲言天欲雨，況此路尤遠。深重主人意，食寺音我爲

我飯。夜雨乏兼味，翦韭春一盃。飢者易於飽，寒者易於煖。鐙昏膏自煎，屋卑漏亦

短。將爲郭泰埽，又近嵇康懶。且來疥音土壁，再至塵應滿。

【逆旅】客舍也。（莊子）陽子之宋，宿於逆旅。

【兼味】（杜甫詩）盤飧市遠無兼味。

【翦韭】（杜甫詩）夜雨翦春韭。

【郭

泰埽】（後漢書郭太傳）每行宿逆旅，輒躬灑掃，及去後，人至見之，曰：此必郭有道昨宿處也。

【嵇康懶】（嵇康與山巨源絕交

書）性復疎懶，筋骸肉緩，頭面常一月十五日不洗，不大悶養，不能沐也。

【疥土壁】（酉陽雜俎）禪師玄覽住荊州陟謁寺，張臻

圖古松於齋壁，符載證之，衛象詩之，亦一時三絕，覽悉加墨焉。人間其故，曰：無事疥吾壁也。

戴甥貞石寄書以至蘇州，不得見王仲瞿，爲恨，作此答之，并示仲

瞿

昔者王子猷，夜訪戴安道。雪片大於掌，興盡還家好。人生離合緣，前定不草草。離者在形骸，合者在懷抱。王甥蠟屐去，泥上飛鴻爪。戴甥掉船來，門外題凡鳥。古今有往還，主客無煩惱。呼童剖鯉魚，公案一重了。

【王子猷】

（語林）王子猷居山陰，大雪夜，眠覺，開室酌酒，四望皎然，因起徬徨，詠左思招隱詩，忽憶戴安道，時戴在剡溪，即便夜乘

輕船就戴，經宿方至，既造門，不前便返。或問其故，曰：吾本乘興而來，興盡而返，何必見戴。

【蠟屐】（晉書阮孚傳）初，祖約性好財，手

性好展，同是累而未判其得失。有詣約，見正料財物，客至，屏當不盡，以身蔽之。有詣阮，正見自蠟屐，因嘆曰：未知一生當著幾兩屐？於是

勝負始分。

【鴻爪】（蘇軾詩）人生到處知何似？應似飛鴻踏雪泥。雪上偶然留爪印，鴻飛那復計東西。

【凡鳥】（世說）嵇康與

呂安善，後值康不在，稽喜延之，不入，題門上鳳字而去。喜不覺，猶以爲忻。鳳字，凡鳥也。

【呼童句】（古樂府）客從遠方來，遺我雙

鯉魚。呼兒烹鯉魚，中有尺素書。

過鄱陽湖

鄱，音婆。鄱陽湖，在江西省之北境，亦名彭蠡。

蕩舟彭蠡

禮音

濱，春水不成片。譬如到匡廬，不見匡廬面。明沙繚四圍，細草量

一線。舟行且欲止，水至亦未涸。

集視

遲遲若轂推，曲曲如牀旋。

聲去

乃以十幅蒲，易

此百丈絳。

聲去

勞苦誠莫辭，險難從茲脊。想當湖水平，巨浸與天衍。破浪乘長風，

不如此方便。矧音是數載閒，遊吾亦云倦。一身萬波濤，皇天念貧賤。百端何芒芒？回首看檣燕。

【匡廬】山名，亦稱廬山，在江西星子九江二縣間。（蘇軾詩）橫看成嶺側成峯，遠近高低各不同。不識廬山真面目，只緣身在此山中。

【潦】繞也。【洿】本作瀉（說文）瀉，水至也。（段注）至疑當作沍，沍，大也。廣韻曰：水沍曰洿，洿者，瀉之異文。【十幅蒲】蒲，席也。謂作帆以駛風。

【百丈絳】百丈，篋纜也。亦稱纜索。【眷】顧也。【衍】無厓岸也。【破浪句】（晉書宗愨傳）叔父問所志，愨曰：願乘長風破萬里浪。（李白詩）長風破浪會有時，直挂雲帆濟滄海。

【方便】本佛家語，謂隨方因便，以爲利導也。此作便利解。

【矧】況也。【芒芒】多也。

憎蚊

惟蚊肅隊來，三三或兩兩。所須諒無多，頗不關痛癢。未斬音果腹去，幸毋逼

耳響。奈何聚成雷，已秋猶搆黨？棘蠅晝乍驅，池蛙夕難賞。爾蚊信無譁，噬膚衆默

響。償爾溫飽志，留我清靜想。擲音耶音揄音豈不能，吾亦愛吾掌。

【斬】各也。【果腹】食之已飽也。【聚成雷】（漢書中山靖王傳）衆煦漂山，衆蚊成雷。【擲揄】舉手侮弄也。